

**Seljord kommune**

Kultur og næring

Arkiv: U01
Saksnr.: 2019/1662-1
Sakshand.: Asbjørn Storrusten
Direkte tlf.: 350 65 155
Dato: 07.11.2019

Saksframlegg

Utval	Utvalssak	Møtedato
Formannskap/økonomiutval		21.11.2019

Politikostnadane i samanheng med Dyrsku'n 2019 - deling**Saksdokument:**

Vedlegg:

- 1 Signert avtale om dekking av politiutgiftene under Dyrsku'n for år 2014, 2015 og 2016

Saksutgreiing:

Utgiftene til politi under Dyrsku'n har vakse svært mykje dei siste 10 -20 åra. For å få arrangementsløyve av politiet må Dyrsku'n Arrangement AS, som arrangør av Dyrsku'n, godta å være ansvarleg for kostnadane til politiet i Seljord under Dyrsku'n. Kostnader til politi på Dyrskuplassen og i Seljord generelt under Dyrsku'n sin opningstid og på kveld/natt.

Politiet bestemmer sjølv storleiken på sin innsats for å halde ro og orden i Seljord og kan krevje dette refundert etter politiloven § 25.

Politiplen § 25. Særlig politioppsyn ved allment tilgjengelige arrangementer

Når det av ordensmessige grunner er påkrevd med særlig polititilsyn ved allment tilgjengelige sammenkomster eller tilstelninger, for eksempel offentlig dans, fester, konserter, festivaler, forestillinger, idrettsstevner og lignende, kan arrangøren pålegges helt eller delvis å dekke utgiftene til dette oppsynet. Det kan kun kreves dekning for utgifter til særskilt politioppsyn som utføres i umiddelbar tilknytning til arrangementet og som tidsmessig står i direkte forbindelse med avviklingen av arrangementet.

Kommunen, næringslaget og lensmannen i Seljord har tidlegare sett det som rett at kostandane med Dyrsku'n og spesielt kostandane for kveld og natt blei delt mellom Dyrskuarrangøren og kommunen/næringslivet.

Den siste avtala er frå 2014 og gjaldt for åra 2014 -2016. Denne avtala syner ein fordeling av politikostnadane på kr 281.000,-, der Dyrsku'n Arr. As betalar kr 173.000,-, Seljord kommune kr

65.000,-, Seljord Næringslag kr 43.000,- og Lensmannen yte minimum 100 timer i ordinær teneste eller overtid.

Frå Dyrsku'n 2017 har det ikkje vore nokon felles avtale. Seljord kommune har i 2017 og 2018 betala kr 70.000,- (utan avtale). Seljord Næringslag har forplikta seg, i eigen avtale, til å betale kr 20.000,- årleg til og med 2019.

For 2019 er samla politiutgifter i samanheng med Dyrsku'n estimert til kr 340.000,-.

Vurdering

Dyrskuarrangementet er veldig stor og komplekst i eit lokalsamfunn som Seljord. Det er viktig at det blir halde ro og orden i bygda, også når det så mange besøkande. Lokale politistyrker har ingen moglegheit til syte for tryggleik, ro og orden for den store auken i befolkninga i Seljord for denne festhelga.

Kommunen må òg auke sin bemanning mykje innan helse og tekniske tenestar under denne Dyrskuhelga, sjølv om arrangøren har eigen ambulanse, brannfolk/ utstyr, vakter og eit stort tryggleiksapparat.

Rådmannen er av den oppfatninga at det er politiet sjølv som bør dekke ekstra kostandar i samanheng med arrangement og i distrikta. Men politilova heimlar refusjon der politiet ikkje har tilstrekkeleg ressursar og det har dei ikkje i vår region.

Det er Dyrsku'n Arrangement As som arrangerer Dyrsku'n og inviterer til folkefest, men om det er rett at Dyrskuarrangøren må dekke alle kostnadane med ekstra politi på kveldstid og nattetid i sentrum, på campingplassar og rundt skjenkeområder i kommunen er usikkert.

Administrasjonen har nå ikkje heimel til å betale ein del av politikostnadane i samanheng med Dyrsku-arrangementet utan godkjent avtale.

Administrasjonen ynskjer at det blir etablert ein partnerskapsavtale med Dyrsku'n Arr. As om kommunale tenester og eventuell kostnadsdelingar.

Rådmannen si tilråding:

Rådmannen rår formannskapet gjere følgjande vedtak;

Seljord kommune løyver kr 70.000,- som kommunens dekning av politikostnadane i samanheng med Dyrskuarrangementet 2019. Løyvinga er av driftsbudsjettet.

Administrasjonen startar ein prosess med mål om å få på plass ein partnarskapsavtale med Dyrsku'n Arrangement AS, ein avtale som m.a. tek inn alle utgifter og engasjement som kommune ytter i samanheng med Dyrskuarrangementet.

Utskrift til: Dyrsku'n Arrangement AS